

Decembarska plata nije isplaćena, pa ni 2017. nije završila

S aspekta rezultata rada u Nacionalnoj i univerzitetskoj biblioteci Bosne i Hercegovine 1. januar 2018. godine još nije osvanuo

Piše: ANGELINA ŠIMIĆ

Moglo bi se reći da smo nazvali u pravovrijeme Nacionalnu i univerzitetsku biblioteku BiH pa saznali da je u sklopu svoje izdavačke proizvodnje u 2018. godini, i to sat vremena ranije, objavila prvu knjigu. Prvjenac u ovoj godini je knjiga prof. dr. Esada Zgodića "Naučnici i rat. Prilozi mirovornoj politici", a direktor dr. Ismet Ovcina navodi da će tijekom godine biti objavljena i njihova standardna izdanja, odnosno prepoznatljivi indeksirani časopis Bosniaca, serijske monografske publikacije i "biće još jedan broj knjiga do Sajma knjiga, sasvim sigurno".

Sufinancirajuće financije

Na upit kako su završili 2017. i s kojim su nadama ušli u 2018. godinu, direktor Ovcina odgovara da 2017. još nisu završili s aspekta rezultata rada. "Sad se sumiraju finansijski izvještaji, ukupni izvještaji o radu, plan rada za tekuću 2018. godinu, ali generalno gledano, izuzev finansijskog dijela, vrlo smo zadovoljni našom aktivnošću i o tome ćemo, ukoliko budemo imali sredstava, objaviti i jedan biltén ili možda čak i jednu knjižicu, gdje ćemo prezentirati javnosti izvještaj o radu, odnosno što smo radili u protekljoj godini, plan rada za tekuću godinu, a takođe planiramo da uključimo i obilježavanje 25-godišnjice graniranja Vijećnice koje je bilo u protekljoj godini u avgustu".

Prošla godina još nije završena, jer za posljednji mjesec nije isplaćena plaća ni topli obrok, a direktor Ovcina kaže da imaju i značajan dio obaveza prema poslovnim partnerima koje su zamolili da ih sačekaju (struja, voda, grijanje, prema COBIS-u itd.).

Trenutno NUBBiH očekuje sredstva po osnovu javnog konkursa Ministarstva civilnih poslova o sufinciraju institucija kulture u BiH na kojemu im je odobreno 270.000 KM, na čemu su zahvalni Vijeću/Savjetu ministara BiH, a posebno



NUB-u su donirane knjige naučne i visokoškolske literature / AMER KAJMOVIĆ

ministru civilnih poslova BiH Adilu Osmanoviću, a što se tiče realizacije projekta i tekućih obaveza tijekom godine "najveći smo dio pokrili iz sredstava federalnog Ministarstva obrazovanja i nauke, koje nam je za projekt s kojim smo aplicirali dalo sredstva od 520.000 KM", navodi direktor Ovcina, pritom upućujući riječi zahvale ministrici obrazovanja prof. dr. Elviri Dilberović.

Direktor Ovcina navodi i sredstva koja redovito uplaćuje Kanton Sarajevo putem Ministarstva obrazovanja, nauke i mladih, a za proteklu godinu su ukupno iznosila 140.000 KM, što im je pomočilo "da na određeni način dođemo u ovu situaciju u koju smo došli".

"U odnosu na prethodne godine



Eksponati iz rukopisne zbirke

situacija je pozitivnija, ipak je više i moralnog osjećaja i osjećaja vrijednosti i društvene odgovornosti da radimo dobre stvari. Nadamo se i apelujemo na sve nadležne da nastave sa podrškom ovim projektima, a to je prije svega podrška radu Nacionalne i univerzitetske biblioteke BiH kao prepoznatljive institucije kulture i obrazovanja i nauke u BiH, a i u svijetu", kaže dr. Ovcina, podsjećajući da je NUBBiH bila prisutna i svojim eksponatima i još jeste u Kući evropske historije u Bruxellesu.

Naime, nakon što je zbirka sačuvana iz 1823. godine, iznimno

Trenutno NUBBiH očekuje sredstva po osnovu javnog konkursa Ministarstva civilnih poslova o sufincirivanju institucija kulture u BiH

vrijedni eksponati iz rukopisne zbirke bio izložen šest mjeseci i vraćen NUBBiH, u Kući evropske historije izložena je knjiga autora Fritza Novotnya objavljena na njemačkom jeziku u Beču 1952., koja je spašena iz vatrene stihije i koja svojim nagorenim koricama i stranicama svjedoči o stradanju NUBBiH u Vijećnici. Knjiga će biti izložena godinu (u Kući evropske historije nalazi se od listopada prošle godine), a direktor Ovcina kaže da su već u razgovorima da poslije "isteka ove godine idemo opet sa nekim prepoznatljivim eksponatom koji govori o tome što su kultura, kulturno nasljeđe BiH, a što baštini, odnosno čuva NUBBiH".

Opet pridruženi Univerzitetu

Za sredstva koja su bila predviđena Memorandumom direktor Ovcina kaže da im nedostaju i da nisu u godini 2016. niti u 2017. ih nisu dobili, te da je neki dan opet pisao načelniku Općine Novo Sarajevo "da ga još jednom zamolim da pokuša naći soluciju ili, na kraju kraljeva, ako to ne želi da realizira, neka definitivno kaže da ne želi", kaže, između ostalog, direktor Nacionalne i univerzitetske biblioteke BiH, dodajući da NUBBiH zaslužuje podršku svih nivoa, uključujući "općinu na čijem se području nalazi i žalosno je da za dvije godine aktivni načelnik Općine Novo Sarajevo nije našao načina da dadne drugu podršku, da plati grijanje..." .

Prije nekoliko mjeseci NUBBiH je ponovno, a nakon izvjesnog perioda odsustvovanja, opet postala pridružena članica Univerziteta u Sarajevu i direktor Ovcina kaže da imaju izuzetno dobru suradnju s aktualnim rektorkom prof. dr. Rifatom Skrijeljom "na ovaj način zahvaljujem i njemu i članovima Senata, odnosno nadležnim institucijama koje su odlučile da se NUB opet nađe kao pridružena članica, jer je ona to i prije bila pa skoro od osnivanja".